

說部叢書

第二集  
第四十六編

偵探小說

假跛人

上海商務印書館發行

從前售預  
約價十元

說 部 叢 書

(初) (集)

百種一百  
三十三册

零 售 四 十 餘 元 全 部 定 價 二 十 元 下 列 名 書

- |                                                                                                                                           |  |                                                                                                                                       |  |                                                               |  |                                                                                                                          |  |                                                                                                 |  |                                                                                                                                   |  |                                                                                                                                        |  |                                                            |  |                                                                                                                                                                                                    |  |                                                                                                                           |  |
|-------------------------------------------------------------------------------------------------------------------------------------------|--|---------------------------------------------------------------------------------------------------------------------------------------|--|---------------------------------------------------------------|--|--------------------------------------------------------------------------------------------------------------------------|--|-------------------------------------------------------------------------------------------------|--|-----------------------------------------------------------------------------------------------------------------------------------|--|----------------------------------------------------------------------------------------------------------------------------------------|--|------------------------------------------------------------|--|----------------------------------------------------------------------------------------------------------------------------------------------------------------------------------------------------|--|---------------------------------------------------------------------------------------------------------------------------|--|
| <p>◎ 第一編</p> <p>天際落花 二林<br/>劇場奇案 二林<br/>夢遊二十一世紀 二林<br/>華生包探案 二林<br/>小仙源 二林<br/>案中案 二林<br/>環遊月球 二林<br/>吟邊燕語 二林<br/>萬里尋親記 二林<br/>黃金血 二林</p> |  | <p>◎ 第二編</p> <p>金銀島 二林<br/>回頭看 二林<br/>迦茵小傳 二林<br/>降妖記 二林<br/>珊瑚美人 二林<br/>賣國奴 二林<br/>金屋藏嬌 二林<br/>懺悔記 二林<br/>奪嫡奇冤 二林<br/>英孝火山報仇錄 二林</p> |  | <p>◎ 第三編</p> <p>雙指印 二林<br/>鬼山狼俠傳 二林<br/>曇花夢 二林<br/>指環黨 二林</p> |  | <p>◎ 第四編</p> <p>寒桃記 二林<br/>玉雪留痕 二林<br/>洪翠女郎傳 二林<br/>白中郎 二林<br/>澳洲歷險記 二林<br/>秘電光 二林<br/>蠻荒誌異 二林<br/>寒牡丹 二林<br/>寒壯丹 二林</p> |  | <p>◎ 第五編</p> <p>香囊記 二林<br/>三字獄 二林<br/>紅柳娃 二林<br/>紅礁畫 二林<br/>海外軒渠錄 二林<br/>煉才爐 二林<br/>七星寶石 二林</p> |  | <p>◎ 第六編</p> <p>血蓑衣 二林<br/>舊金山 二林<br/>俠黑奴 二林<br/>美人煙草 二林<br/>天方夜譚 二林<br/>鐵鋪手 二林<br/>霧中人 二林<br/>樟湖仙影 二林<br/>波乃茵傳 二林<br/>尸積記 二林</p> |  | <p>◎ 第七編</p> <p>二仙案 二林<br/>神樞鬼藏錄 二林<br/>空谷佳人 二林<br/>秘地窟 二林<br/>子嘯血酬恩記 二林<br/>世界一周 二林<br/>真偶然 二林<br/>毒藥錄 二林<br/>希臘神話 二林<br/>指中秘錄 二林</p> |  | <p>◎ 第八編</p> <p>圓室案 二林<br/>寶石城 二林<br/>雙冠璽 二林<br/>畫靈 二林</p> |  | <p>◎ 第九編</p> <p>航海少年 二林<br/>多那文包探案 二林<br/>紅星失史 二林<br/>金絲髮 二林<br/>朽木舟 二林<br/>塚中人 二林<br/>愛國童子傳 二林<br/>盜窟奇緣 二林<br/>鬼士官 二林<br/>鴛鴦離合記 二林<br/>苦海餘生錄 二林<br/>復國軼聞 二林<br/>情俠 二林<br/>媒孽奇談 二林<br/>一仇三怨 二林</p> |  | <p>◎ 第十編</p> <p>新飛艇 二林<br/>冰天漁樂記 二林<br/>三人影 二林<br/>橘英男 二林<br/>鐵血痕 二林<br/>化身奇談 二林<br/>新天方夜譚 二林<br/>雙鴛侶 二林<br/>雙衛偵探案 二林</p> |  |
|-------------------------------------------------------------------------------------------------------------------------------------------|--|---------------------------------------------------------------------------------------------------------------------------------------|--|---------------------------------------------------------------|--|--------------------------------------------------------------------------------------------------------------------------|--|-------------------------------------------------------------------------------------------------|--|-----------------------------------------------------------------------------------------------------------------------------------|--|----------------------------------------------------------------------------------------------------------------------------------------|--|------------------------------------------------------------|--|----------------------------------------------------------------------------------------------------------------------------------------------------------------------------------------------------|--|---------------------------------------------------------------------------------------------------------------------------|--|

偵探  
小說

# 假跛人目錄

第一節 竊案之發現

第二節 跛足人

第三節 印度王之金冠

第四節 尼楷脫之推測

第五節 吉楷脫訪賊人

第六節 賊人之失蹤

第七節 吉楷脫陷賊巢

第八節 尼楷脫之探案

第九節 狄克寶先之交涉

第十節 巴遮之跡賊

第十一節 竊賊之自盡

假跛人 目錄

偵探小說  
**假跛人**

第一節 竊案之發現

一日清晨八時半。紐約名偵探尼楷脫。偕其伴吉楷脫及巴遮加文。共乘汽車。飛馳過梅頓街。至一大屋前而止。尼等一躍下。亟入門。見有警察守門。尼微頷之。不交一言。

愛摩司派來脫者。紐約著名金鋼鑽販賣商。而兼售各種舊珠寶者也。其營業進出之鉅。動輒數十萬金。其名震一時。是日遭巨竊。損失甚鉅。乃招尼楷脫商此事。而汽車所停處。卽其公事室前也。尼楷脫方推門。派來脫已聞聲出迎。面色灰敗。惶急之情。現於顏色。一見尼楷脫。卽呼曰。噫。君來矣。余以電話致君後。刻刻如坐針氈。雖爲時甚暫。然幾不能耐矣。余之所失。駭人聽聞。雖傾家不足以償。奈何。尼環顧室中。答曰。余得君電話。未曾稍延。卽趨至此。君遭巨竊耶。宜室中有痕跡在也。尼蓋見室中顯有被竊之象。派來脫之公事室。狹而長。居樓下。派非零售商。故室中無陳列櫃。前

面惟置櫃檯一座。闊案一張。上罩黑布。爲閱看貨物之處。兩旁有椅數張。蒙以紅呢。狀樸質不華。室左有大保險箱兩口。倚牆而立。另有一箱。則置室後面。與前二箱作直角形。自室前大玻璃窗內望之。歷歷可見。尼四顧。見室旁二箱。均無恙。後面一箱則已破損。蓋卽被竊者也。箱右側。有欄杆圍其四周。中置書案二。司帳者及書記之坐處也。其側則爲通內室之門。時室中有人四。卽愛摩司派來脫及其正司帳人弗來克林。與警察克乃地。尙有一人。則坐室門前椅上。面色灰白。頭面部受傷。血潒潒下。尼料其必於此案有涉也。然此時顧不暇問。惟點首招吉及巴。趨近被損之銀箱側。語派來脫曰。請少待。俟余先察視。再議方法。又顧二夥曰。從余來。二人聞言。隨尼至箱側。見牆角有隙地。闊約六尺。置盥器小衣櫥各一。牆上有衣鈎數枚。爲銀箱所蔽。故前後均不能望見。倚牆角有粗案一。椅二。案上油燈一盞。油已盡。紙牌一副。半在案上。半已散落於地。尼暫不顧。力察賊人入室之由。至保險箱後。見後面襯板已裂。片片墮地。箱之內部均已顯露。地下遺盛鐵器之桶一。或爲賊人匆忙中忘攜去。

者。地板上且有油漬鐵片鐵屑。并有血迹一灘。點滴直至後窗前。而牆上亦染有一二處。尼細視其窗。有鐵百葉窗及鐵欄護之。欄均橫置。每格空隙闊六寸餘。有鐵條五已毀。其一已倒於保險箱旁。尼一一細察。已有把握。乃曰。非精於盜者。不能爲之。此必積竊所爲也。巴應曰。余亦云然。竊人必賊中之佼佼者。尼指地下鐵片曰。箱旁之襯板。必爲賊人以大鉗重錐所破。他器之力。均不能及。其鐵櫃必以鐵軸出之。故決爲積竊所爲。且非五六小時不能畢事也。吉楷脫頷之曰。誠然。尼楷脫自窗外望夾道。又視外面磚牆。曰。賊必自此窗入室。吉曰。出亦必由此也。尼曰。此事顯而易見。若不見夫地下足跡乎。來去之痕均在。惜已爲他人足跡所亂。不足爲證矣。然夾道不通街。賊何以能入。殊可疑。尼語時引首出窗外四顧。忽曰。得之矣。彼處非通地窖之門耶。吉楷脫見之否。門上有新啟閉之跡在。爾亟躍下一視。或可稍得端倪。吉應曰。諾。尼曰。余當與派來脫談。試聽其說。

吉自窗檻躍下。立夾道中詳視模糊之足跡。見果向地窖門而去。其門離窗約五碼

餘。吉至其前。見已堅閉。而其上塵印顯然。乃還至派來脫室。取已拆之欄一。復至其處。以關地窖門。

尼楷脫與派來脫立室內欄圍處互語。尼莊容曰。賊之所爲極細密。始爲何人所發。請君見告。派答曰。余之正司帳弗來克林首見之。蓋彼先至此也。尼問曰。距今幾何時。曰。半時前耳。約在八句鐘。曰。君已至此否。派曰。今日爲星期一。余例入肆極早。故弗來克林未及以電話相告。余已至此。余知此事。卽以電話致君。未曾稍延。尼曰。然乎。余方以君得知之速爲異也。派指坐室前之人。曰。余入室。見是人橫臥保險箱側。奄奄垂斃。手足均爲賊縛。繫於保險箱脚上。口中緊塞破布。殆防其呼救。據云自昨晨卽被縛於是。其人爲守夜者寶先之友。尼曰。彼何至如是。曰。爲賊所擊。據云當時卽不省人事。直至賊將去時方甦。曰。然則賊行竊時。彼已在此矣。曰。然。尼曰。君曾詰其所見否。曰。得其大畧而已。君來時。余方問之。彼以爲寶先已被賊所戕。然徧覓不得其屍。且……尼止之曰。請少待。寶先何人。此人何名。何爲在此。請詳告。俾得要領。

然後余當詢之。派答曰。李却寶先者。余所僱守夜人也。傭於余已四年餘。人極忠誠。余輩呼爲狄克寶先。尼問曰。君於其人尙有所知否。派曰。寶先曾爲巴蘭銀行主閽人。六年前。攜薦書來見予父。尼曰。薦書非贗物耶。曰。確係真跡。其舊主死。故失其業。既來見。予父傭爲看園丁。兼充閽人。後復令以守夜。迄於今。尼曰。彼平日終夜駐此。不離耶。曰。然。彼別有門鑰。能自出入。晚間八時至此。至晨六時出。余以此處時藏重寶。慮巡捕不足恃。故特僱守夜者監視之。是間所貯。嘗值至二十萬鎊。現適他緣因。所藏尙不止此。今全被竊矣。尼微昵傷者。令勿語。曰。此節俟後再談。請以是人姓名相告。曰。托乃格珊脫也。曰。星期六晚。彼在此何爲。派曰。彼與寶先共鬥紙牌。尼聞之。頓憶及牆角案上紙牌。乃曰。知之矣。寶先容是人入室。亦得君之許可否。曰。然。余所特許也。尼笑曰。君知此事大不安否。曰。不安耶。尼曰。賊人豈不能賄使僞爲其友。先入此室。再乘不備。兇擊寶先。即可肆竊。君亦曾思及此否。派來脫略視其人。莊然搖首曰。君言固確。然余料格珊脫。決不爲此事。狄克寶先。與彼爲舊友。曾同居倫敦。共

游息者數載。後格珊脫遇險。致跛其足。故行必以杖。初至此時。寶先曾以告余。尼曰。此何時事。曰。數星期前也。曰。格珊脫來自倫敦耶。派曰。寶先所言如是。格珊脫來後。寶先爲覓一輕易之事。仍卜居一室。以續舊誼。後攜以見余。求允其友得於夜間出入此室。俾共消此永夜。余以寶先之職。至爲無聊。故許之。此星期六晚。格珊脫在此之緣因也。尼楷脫頷之。曰。寶先年幾何。曰。約五十餘。曰。其人何似。狀貌若何。曰。身材中等。髮微紅。目藍面白。貌甚癯。未留鬚。故尤見其瘦。平日忠實勤懇。堪以信任。余未嘗疑彼有意外事也。尼問曰。其人已婚否。曰。二人均未婚。故交尤密。君何以必絮絮詢此無謂事。徒廢時刻。余等亟宜商緝賊之法耳。余所失約值十萬鎊之鉅。如不得返。則余業從此傾覆。而余亦不能立於人世矣。尼哂曰。君勿惶急。君旣招余理此事。余自當極力緝賊以報。君究欲以此案付余。一任余爲之否。曰。然是無疑義。尼以簡捷之語。答曰。然則任余所爲可矣。余所問均含有深意。豈肯徒廢時刻。余欲詢之格珊脫。或有所獲也。

## 第二節 跛足人

尼楷脫轉身。行近坐門首之人。見其神色委頓異常。奄奄欲絕。他人所語。亦若不聞。其軀幹不甚偉。衣已破敝。染有血漬。面色微黃。是時尤醜。鬚髮均棕色。狀甚蠢弱。面有舊傷疤。其一尤顯。長自左眼角至耳旁。似曾受猛擊所致者。額上有傷痕。在右眼上。血猶未止。自頰下流染襯衣上。所坐椅旁。有繩數段。卽自其身解落者。因被縛嚴。故手腕間已皮破血出矣。

時格珊脫倚椅背坐。首下垂。椅旁柱一杖。尼又視其右腿較左足稍短。膝骨突出。果跛也。尼近其前。曰。爾受匪徒之窘矣。今覺稍安否。格珊脫微昂其首視尼。搖首低語。曰。余尙委頓不支。適有人以白蘭地飲余。方少蘇。尼迴顧。見巡捕方持一杯立於側。乃語之曰。克乃地。再以酒飲之。巡捕聞言。亟以酒奉格珊脫。尼又曰。爾受擊必匪輕。致委頓如是。格飲白蘭地訖。答曰。謝君之賜。尼婉詢曰。余欲知竊案之細情。君若有所知。請詳述之。君刻能勉語否。尙憶當時之事乎。格珊脫坐稍起。答曰。知之。知之。余

雖受擊。腦幸未傷。尙能追憶也。尼曰。甚善。請以相告。格曰。人若能跡得殺余友寶先之賊。置之於法。則余死亦瞑目矣。噫。天乎。余心碎矣。言訖。淚下。以手拭之。然猶不止。尼問曰。爾確知寶先已被戕耶。曰。余所目覩。尙何疑。曰。格珊脫。爾試述當時事。余願知事前之情狀。星期六晚。爾何時抵此。格曰。先生。余約九時至此。或未及九時。曰。狄克寶先待君於此耶。曰。然是日啓門容余入。一如平時。曰。爾入室後。彼仍扃戶耶。曰。然。余確見其加鑰。彼之職任非輕。故極謹慎。尼又問曰。後此何所爲。亦如平日門紙牌耶。曰。入室後。卽共至牆角。據案而坐。共鬥紙牌。坐處適爲保險箱所蔽。故街外不能望見。而油燈之光。亦爲電燈所掩。格言時。仰首望電燈。尼亦隨視。見有電燈懸圍欄天花板上。乃問派來脫曰。此燈終夕不滅耶。派答曰。然。余嘗以此燈及守夜者爲最妥之監守者。尼笑曰。事或非謬。言訖。又顧格曰。格珊脫君。試述以下事。爾二人鬥牌約幾何時。而事遂發。格答曰。約二時後。然不能確知矣。曰。爾二人曾飲酒否。曰。未也。惟飯時余曾飲一小杯耳。尼笑曰。猶未飲耳。請述二時後何所見。是時當十一句

鐘矣。曰。然。大約爲此時。余等忽聞街上有哄鬧聲。若相毆者。且聞手鎗聲。余等疑有暗殺事。乃亟起立。至門前。門啓外望。則見羣衆去已遠。故仍返室。寶先亦卽扃戶同入。曰。格珊脫君。爾二人觀望時。曾遠離門首。被賊人乘機入室否。格急應曰。否。否。余扶門而立。未嘗須臾離也。曰。立門首爲時幾許。曰。余確知僅五分鐘。尼曰。返後仍鬥紙牌耶。曰。然。未及十分鐘。事出矣。尼曰。何事。曰。卽有人以鐵器猛擊寶先之首。寶先仆地。方欲呼救。余亦受一擊。踣數武外櫃檯旁。遂不省人事。數小時後。方甦。則余已被縛而繫於保險箱下矣。言訖。淚下。曰。爾知約在何時。曰。時已向晨。賊等亦事畢將行。先生可再略賜余飲否。余尙覺頭涔涔然也。尼曰。可。乃顧巡捕曰。克乃地。再以白蘭地飲之。克依言授之。格稱謝不已。尼曰。請續言賊人從何處出。曰。自保險箱後。曰。卽被竊之箱後耶。曰。然。事訖後。余見彼等。仍由其後窗出。尼曰。彼等必自此窗入。門前衆人哄鬧。彼等之計也。賊人故使其同黨爲此。以誘爾等離座出視。則可破窗而入。使爾等不能聞其聲。賊人是時卽可乘機啓百葉窗拔鐵欄矣。其上鐵欄。必早已

鋸斷。仍虛設以欺人耳目者。此事明顯無疑義。且舍此則賊人亦無他道入也。派來脫聞之。曰。尼君。此必無疑。此室下無地窖。且與鄰屋有厚牆間隔。無從入。賊人入出之道。必爲前門或後窗無疑。格珊脫亟曰。必由後窗入。昨日余臥室中。卽思及之。此君所言尤近情理。故必自此入也。尼亦曰。格珊脫。余無疑於是。爾甦後。賊卽去耶。曰。然。且攜賊去。尼曰。爾見賊之狀貌否。曰。見之。賊均蒙面具來。曰。爾尙憶其形狀否。曰。來者共三人。其二軀幹偉大而凶獍。其一身量甚高。然較其他二人略和善。所衣均黑色。曰。君僅見三人耶。曰。然。餘未之見。尼曰。彼等與爾有所言否。曰。未交一言。惟余曾聞其互相低語。余恐其加害。故臥地不少動。且勿出聲。彼等以爲余不省人事。故亦不相擾。尼頷之。曰。此計甚妙。君甦後幾何時。彼等方離室。曰。約十分鐘耳。曰。爾亦見其移竄先之屍否。曰。未也。余最後一面。卽其被擊時。余方起立。亦確然受一擊。嗣此並其影亦不見矣。格珊脫言罷。仍倒身椅上。若不能自持者。蓋以方經刺激。又多言。故不能支。尼注視半晌。卽語克乃地曰。余輩可送之歸寓。爾助之。逕登余車。可不

必另僱矣。尼言時極鎮靜。毫不介意。一若格所言無足輕重者。克乃地聞命。舉手至帽簷。答曰。遵命。尼又顧其夥。曰。巴遮爾可伴之歸。若渠實不能支。有所需。可速爲備辦。克乃地助之登車後。可留此。巴聞言。不作答。惟略視尼之眼色。已知首領之意。欲其詳探格寶之行爲。及所宿處也。格未知其意。猶力辭。曰。謝君厚意。可勿伴送。余今覺少安。獨行可無礙。尼慰之。曰。否。否。爾尙憊。或有他虞。令渠伴送爲佳。俟余略得端緒。當再與君談。格聞之。不復言。卽獨足起立。以杖支地而行。巴遮克乃地二人扶之出門。尼自後注視。見其一足。約短三四寸。行時搖擺不已。尼俟其出門後。卽返身趨至派來脫側。

### 第三節 印度王之金冠

尼楷脫偕派來脫入其公事室之內一室。卽掩門曰。余欲與君密語。有數事欲相詢。派曰。請坐談。尼就坐。曰。第一事。君言現適有特別緣因。所藏珍寶值尤鉅。損失出乎意外。君意果何指。曰。此易解釋。余近得愛姆司丹運來大宗金鋼鑽一也。曰。君所經

售者耶。曰。然。貨一月前抵此。售之市中。僅四分之一耳。曰。其餘均存保險箱而被竊耶。曰。然。盡竊去矣。曰。約值幾何。曰。約值四萬鎊。尼沉思答曰。所失果甚鉅。保險箱中尙有他件否。派愀然答曰。所失有鉅於此者。君未知之耳。事極祕密。知之者惟余及某君而已。今若述之。幸君爲守祕密。尼曰。可無疑。某君爲誰。可相告否。曰。其人卽巨富翁及姆司格理來。礦業大家兼某托拉司之總理也。尼曰。著名人物也。其事若何。派續曰。格理來與余訂約。囑代辦極珍貴之物。君尙憶其子喬治格理來年前旅行事否。喬治至印度。曾與拉普耳王游獵一星期。拉普耳王。印度諸王中最有權勢者之一也。尼答曰。余憶之。且憶報載二人共獵虎。格理來不幸遇險。幾喪其生。拉普耳王拯之。方得免。曰。其事確也。此君與余之交涉。亦由此發生矣。及姆司僅此子。愛如掌珠。心感拉普耳王拯其命。亟欲有以報之。然拉普耳王身爲貴爵。奇珍異寶。無所不有。若餽以常物。豈能得其一盼。酬以資。則於禮不恭。及姆司尋思久之。方得一策。擬贈以金冠。上綴各種鑽石珍寶。意旣決。就商於余。囑余代辦。訂定共值五萬鎊。又

不欲爲拉普耳王所預知。故囑余祕密從事。其約爲三月前所訂。余乃爲收集各種珍寶。今方畢事。尼曰。然則不久將製金冠耶。曰。然。曰。君已與金鋪道其事否。曰。未也。曰。君之收集此珍寶。他人有知者否。派答曰。決無人知之。卽余之書記亦未之告。曰。此寶卽貯彼保險箱中耶。曰。然。曰。然則君所失共約值十萬鎊矣。曰。并余所存足值此數。尼楷脫低頭沉思。又視門數四。乃於椅向前。鄭重言曰。派君。此事必尙有人知之也。派作不信狀。問曰。君何所見而云然。曰。余以意料得之。否則被竊何以適在此貯寶最多之時耶。曰。余不信此事。竟能爲他人所知。尼決然曰。君勿自信太過。試聆余說。常時君亦以珍貴之品貯此保險箱否。曰。然。余均貯之。此箱中其餘二箱。以近室門不甚謹慎。故僅藏簿籍而已。尼點首曰。是矣。守夜者知之否。曰。余料彼略有所知。曰。君何以知之。派曰。余每啓箱。不避竊先。故時爲所見。近以收藏尤多。故囑其格外留意。然彼所知止此。而余亦未嘗略疑竊先有他故也。尼楷脫見派深信竊先。頗不謂然。惟亦不言。卽起立。謂之曰。足矣。君若欲余得賊還贓。君必依余所定而行。余

將以方法通函致君。請勿自誤。派急應曰。必遵命行。尼又曰。至於余之所問。若君已知余之所疑。亦請毋多言。勿以告他人。此事盡付余足矣。曰。君所囑。余必凜遵。尼曰。善。若有所得。即當告君。言訖。返身。出公事室。方出門。吉楷脫自箱後趨出。尼急就之。共立牆角語。使人不能聞。尼問曰。爾有所獲否。曰。余直入地窖。且達彼宅樓下一室。其中爲食物行裝瓶處。余細察之。似近來未嘗有人在彼作事。尼恍然曰。然則賊人。於行竊之先。必預賃彼室。以爲行事之地也。吉點首曰。然。余且得其蹤跡矣。地窖及彼室中。均有血痕。余又自地拾得鑰匙一串。泥污手巾一方。角有D字。於案顯有關也。曰。D字耶。或即竇先之物也。吉曰。即鑰匙。亦必屬竇先者。中一枚。適合此間室門也。竇先必受重傷或已死。故血蹟淋漓。格珊脫語君時。克乃地均以告余矣。尼決然曰。從余來。余將一視此跡。

#### 第四節 尼楷脫之推測

尼楷脫備聆衆人之言。知竊案必積賊所爲。否則決不能如是周密。且所用器具。非

精於此道者不能知。乃往各處詳察。吉楷脫隨其後。問曰。君意云何。尼捷應曰。余以爲此案。似柏克司老根所爲也。吉曰。余亦云然。尼曰。賊中能以此法關保險箱者。惟柏克而已。且他人用此等鐵器。亦不能如是精熟。此案與漢密爾登事若出一轍。彼事則確爲司老根所爲也。曰。余亦憶之。尼續曰。格珊脫所言賊人狀貌。亦確肖其人。司老根體幹本偉大。其新自獄中釋出之老伴。亦如之。吉曰。君指湯姆勃來納耶。曰。然。曰。然則第三人君能意料否。尼曰。意料耶。余畧知之。然去題甚遠。或誤也。曰。君所疑者何人。曰。極克法龍。吉揚聲曰。天乎。是或然也。考奈島一案。彼幸而漏網。當時曾有恐嚇之言。謂將計刼派來脫以窘余等。君此疑固有由。其孿生姊黑眼婦人。或亦有涉也。曰。此亦僅意料而已。未足深信。且法龍亦非易與者。余等當細偵。方可決也。先是考奈島一案。法龍姊弟。合謀刼一販金鋼鑽者。不幸未得手。其黨人名別爾大恩者。因之喪其生。法龍見事敗。乃出奇計。諉其罪於大恩一人。官爲所蒙。不之疑。法龍遂倖逃法網。得以逍遙事外。然以此結怨於尼楷脫等。故當時曾出言恐嚇。吉之

所言。卽指是二人也。尼聞言。雖憶其事。然不作答。卽自窗躍出。吉亦隨之。尼細視百葉窗及鑲鐵欄之石。曰。余欲知彼等何時斷此欄。吉曰。余意彼等斷此。必非一日之功也。尼點首不語。極力細視。所見果不誤。窗下有鐵屑一堆。其色新舊不一。顯係數次鋸剉所落者。尼曰。賊必先於百葉窗上。鑽一孔。以爲拔門之地。後以黑油灰塗之。則人不能察矣。臨時將油灰起去。亦甚易也。鐵欄則必剉至將斷而止。故安然無痕。然略用力卽可折之。剉痕中亦曾實以油灰。以防爲人所覺。墜於此者。非其屑耶。吉應曰。余已見之。賊人必於每晚門閉後。竄先未來之前。於是爲之也。尼笑曰。事或然。但不能確言。吉又曰。此非數日之功。不能畢事也。尼頷之。卽偕吉共入地窖。曰。余意賊必先賃此室。以爲駐足之地。此節易明。吉曰。此固無疑。尼曰。彼等必僞爲將有所業。而賃此室。預備行事。且選星期六晚動手耳。蓋彼等知非至星期一。此案不能發覺也。吉曰。然。又指地謂尼曰。此卽余適所言之血痕也。尼俯首。見有血數點在階際。細察之。直接至向下層窖中。入視。空無所有。擱架上亦不置一物。窗上玻璃。均塗白。

漆。使行路者不能見室中人所作何事。尼指謂吉曰。觀此可知賊人之曾賃此室矣。吉頷之曰。如格珊脫言。竇先必已被賊所戕。或被縛載去矣。余以爲被戕一說。似於情節較合。蓋賊人載屍而去。欲爲後來避殺人之罪名也。彼必移屍至此。而後復載之他去。尼冷然曰。否。尙有他說。吉詫問曰。君以爲余所料不確耶。尼答曰。余以爲竇先曾安然行經此室而出。並非其屍經此也。此計殊狡。曰。君何以作此想。尼坐短案上四顧。知人不能聞所言。乃以派來脫所言及己所意料者告吉。且曰。狄克竇先爲此案之要犯。而其名之真僞。則尙未之知。吉曰。然則君不信彼被戕之說耶。曰。余不能信。曰。然則格珊脫亦爲同黨而故作誑語耶。尼曰。亦不必然。曰。君何以知之。尼爲之解釋。曰。格珊脫或僅爲彼等所欺耳。格云竇先被擊後。彼亦被擊而暈。故後來竇先傷勢若何。屍身若何。非彼所知。余意竇先僅受微傷。其同黨故作勢以欺格珊脫耳。曰。其意何在。尼曰。賊之爲此。欲免竇先之被疑。致露破綻耳。今失去竇先之屍。人必以爲被賊移去。以滅殺人之跡。探案者至是。亦必以爲竇先並非同黨。以致被戕。

不復注意。則賊人方面。自少一疑竇矣。吉鼓掌曰。誠然。尼曰。此中狡計。顯而易見。棍擊者。僞爲鎔之。又灑血以爲證。又遺巾若匙。以迷人之耳目。無非欲人不疑及竇先而蹤跡之耳。吉點首曰。君意竇先亦賊黨之一乎。尼曰。以余所得之證據。雖尙不能無疑。然終不足以掩其同謀之跡。派來脫是人過於信任。尤不足輕重也。曰。君言確有理。尼曰。試聆余說。第一竊案之發現。正在貯寶最多之時。若無內線。賊烏由知。二賊逕啓貯寶之箱。而不及其他。非熟悉內情者安能。由此觀之。此案必有內應。而室中諸人。竇先最爲可疑。彼夜間獨處此室。啓後窗縱賊入。爲事至易。若非同黨。豈有不知而阻之者。且賊之破欄而入。已非旦夕之事。竇先又烏能不知耶。曰。此說尤確。然於竇先殊不利。尼續曰。有此數端。故余不能無疑於竇先。且余聞派來脫言藏寶事。他人前均未道及。惟曾略告竇先。囑其加意。故竇先更可疑矣。曰。此事殊曲折難明。尼又曰。余故確知竇先爲賊黨之一。而假死移屍各節。均故意爲之。以眩惑我輩耳。曰。然則我等當亟跡其人之所在。尼曰。應爲者正在此。吉楷脫。我等得竇先蹤跡。

則賊亦在矣。曰。從何下手。所策若何。尼曰。少頃當告。此外恐尙有疑竇。余須細察也。言訖。遂偕吉出。

### 第五節 吉楷脫訪賊人

午餐既畢。尼在公事室與二夥共議破案方法。知此事稍縱。賊即遠颺。難以弋獲。故急爲調度一切。巴遮於晨間送格珊脫還寓。歸而報告。謂其居在第二街一舊屋三層樓上。臥室僅一極小之後房。居停婦爲愛爾蘭人。名來弗顛。又謂格珊脫於車行後。得吸清氣。色即稍復。抵其居後。謂無人扶持。不能登樓。故巴遮擁之以行。及入其室。見其湫隘殊甚。家具既少且敝。巴遮承尼意。四面詳察。毫無端緒可尋。乃作別而歸。出時。聞格珊脫自語曰。余亟宜往船廠。否則失所業矣。巴遮聞之。特返身問曰。君有所業耶。格應曰。然。余傭於賃船公司。所入雖微。尙可自活。嗟乎寶先。余恐不能再見矣。巴遮無言而出。即以所見告尼。尼聞之。略無要領。飯後互議久之。尼曰。此事以速爲貴。否則恐另生枝節。雖不能必所射之中的。然必從速。方不致全然失敗。且亦

不致有損名譽也。吉笑曰。且可保全派來脫之珍寶。尼點首曰。我等之僕僕。亦無非爲此耳。若不急躡賊蹤。則彼等分贓遠遁。隱跡他方。我等又何從訪緝。且寶石未曾鑲嵌。尤難復識也。巴遮曰。君言甚確。我等豈可坐待其遁。尼又曰。今旣得如許樞紐。當急急從事。極克法龍。前旣有恐嚇之言。今亦不宜忽略。吉楷脫。爾速往偵其考奈島案後所爲。以觀究竟。如能晤面。可懾以前言。試觀其聞言之後。有異常態否。爾至司留文所設之跳舞廳一行。卽可得其住址。吉曰。余當先往詢司留文。如君命行可矣。尼又曰。巴遮。爾可往訪菊屋司老根。一名柏克司老根。或其伴湯姆勃來納。巴曰。卽君所疑毀鐵箱者耶。尼曰。然。巴曰。君可稍示余探訪之法否。曰。余適翻閱日記。知勃來納有結髮妻。又有繼女一人。名馬其台金。四年前。司老根在支加哥入獄時。與之交頗暱。巴問曰。司老根出獄幾何時。曰。勃來納及司老根。均於三月前自約來出獄。若勃來納果在此。則必爲訪妻而來。其繼女馬其台金。或亦居此也。巴曰。然則司老根必以女故至此。尼曰。或然。是二婦者。惡名甚著。其蹤跡可得之警察總局。巴遮

起立曰。余將一試。時已午後二時矣。至三時許。吉楷脫已喬裝一市人。趨司留文之居。訪得極克法龍之住址。爲花園街包爾亭旅館。居是館均未婚之男子。吉既抵其處。徜徉入室。見一記室。故作閒暇狀。微語曰。余願知法龍在室否。記室聞言。問曰。極克法龍乎。吉斜倚櫃臺。答曰。然。二人語時。一老人手持新聞紙。坐案次。頻頻舉目。竊視吉不已。老人年約六十餘。衣飾整齊。鬚髮斑白。鼻架金邊眼鏡。見二人語。不少動。惟注視吉。狀若有竊聽者。記室握管。答曰。法龍外出。余數日不見其人矣。曰。君知其何往。曰。未知。曰。彼臥室在此耶。曰。然。余料彼行必不遠。蓋每日必至此視其信札也。君欲見之。有要事否。曰。否。無甚要事。數日後當再來。言訖。閒步室中。思一探其臥室。乃行近旅客表前止而翻閱。僞若以之消遣者。暗檢法龍臥室號數。時老人仍目注新聞紙。不少動。俄而一婦人自外入。衣藍色便服。帽極入時。面罩半下。入門時。狀若甚匆遽者。面色亦惶急。趨近記室處。曰。克來君。極克在否。吉聞言。心有所觸。急返身視。喜極自語。余何幸竟遇其一。納爾法龍。何以驚惶若此。記室聞婦人呼其名。卽起。

答曰。納爾極克已出。昨日余見其來此。檢視信札。今日則未。記室意殊殷勤。迥異與吉楷脫言時之冷淡。納爾曰。彼何往。君知之否。曰。未知。曰。此間有致彼之信札否。曰。無之。曰。彼若來。則納爾告……語至此。卽倚櫃臺與記室耳語。聲甚微。所言均未之能聞。惟末爲一請告以六時至彼得處見我。彼自知其所在及何事。二語。克來點首而笑曰。諾。余必以告。納爾作謝曰。甚費清神。時至後。余必有以報君。克來問曰。女郎此時尙不前往耶。曰。否。曰。然則請少待。納爾曰。何爲。曰。請入後室。共飲少許可乎。納爾法龍微笑。搖其首曰。余尙有要事。不能少留。再來時。當敬陪。曰。然則余亦不敢泥女郎。致誤女郎事。納爾行出門。旋返顧。曰。告極克！六時！留意。勿忘。克來急應曰。決不敢忘。婦人聞言。亟行。吉自思。余亦不必待極克法龍。余將一探彼婦所謂要事者。究爲何事。乃行。若未知二人所言者。徜徉而出。暗躡婦人之後。時閱報之老人。眼露凶光。然仍不動。數分鐘後。方自椅起立。由陞降機至三層樓。而入臨街之一室。其室卽與吉楷脫所欲訪者爲比鄰也。

旅館通例。各室均有旁門通於外。老人入室。卽扃戶。啟旁門。而達鄰室。喃喃自語曰。余固疑尼楷脫。必令人至此暗偵。適所見者必吉楷脫無疑。若有誤。余從此不敢自信矣。納爾不來。余必避入鄰室。暗伺其舉動。而有以戲之。吉楷脫。爾來何爲。如欲捕我。恐不如是易易。曩余曾受爾輩之窘。今必加倍報復。爾輩其慎諸。語時。隨去假鬚髮及眼鏡。置梳洗案上。又拭去面上所塗之粉。皤然老翁。一變而爲極克法龍矣。尼楷脫若於是時。獲見室中景狀。則可恍然悟其奸。極克人極狡猾。恐官中人炯察來捕。故賃一室後。又喬裝爲老人。別賃鄰室。以爲臨危潛遁之地。其事甚祕。雖克來及納爾。亦不知也。極克卸裝時。色甚怒。以鏡自照。取假飾納入抽屜中。又以黑衣掛櫥內。易換舊衣。色已黯淡。並裝假鬚。取手鎗。納衣袋中。出室扃戶。自複梯飛奔而下。至門外立。視望吉楷脫將何往。

## 第六節 賊人之失踪

法龍出門。見吉楷脫。方遠躡納爾。遂亦躡其後。吉未之知也。吉隨納爾至麥狄生街

一宅。識爲考奈島案發生時法龍等之故居。知賊人必不敢在彼聚議。故止不前。惟藏身隱處。以待納爾。約一時許。納爾果自宅中出。衣飾全易。吉大疑。所衣者一舊絨衫。外罩呢褂。顏色已敗。冠一平常軟帽。面罩全下。使人不能識。出門急行。狀極匆促。又頻頻返顧。似恐有人躡之者。飛步向第三街行。吉急隨之。既至第三街。納爾躍登火車。車蓋至却得姆市者。吉亦躍上。時已五時許。日將夕矣。抵却得姆後。納爾法龍行未數武。卽有男子自近處一宅出迎。偕之前。吉立車站階上望之。見其人體幹偉大。衣飾齊整。髮棕色。眼亦然。面有鬚。狀甚佻。其舉動似中等社會人物。納爾見之。微笑點首。其人趨前攜納爾手。並肩而去。吉詫曰。此必預約相會處。然是人似非極克法龍。豈尙有新人物在耶。其狀隱祕。中必有故。無論與是案有關否。余必一偵之。仍躡其後。無何。行抵海濱。折入一素稱低穢之街。旋入一破屋。吉識爲盜窟。且知之甚審。乃急趨前。視二人入何室。自思此彼得福來之居。素爲盜藪。彼何人。至此將何爲。二人竟入賊巢。豈卽會議處耶。其地爲下等酒肆。時前面已擾攘甚。各處工人罷役。

後。羣聚此蟲飲。吉自人叢中入。見二人共趨面餐堂。隨又折入牆側一隱蔽之室。門有簾垂於旁。二人既入。婦人急下簾。內作何狀。不可得見。時三人之舉動。室中傭僕無所覺。納爾等亦若未知有人躡其後者。吉至此。決欲冒險一試。自思彼等必不防余暗偵。室既有簾。余不能見彼。彼亦必不能見余。何不入鄰室竊聽。或有所得。遂急入餐堂中。時衆人方聚飲。無注意及之者。吉坦然前行。無所顧慮。既入。倚壁而坐。且擇近牆角處。使人不能見。乃呼肆傭以酒來。獨酌靜聽。然室中久無聲息。亦不聞喚酒聲。待五分鐘。依舊寂然。吉大詫曰。異哉。彼等何以默不作聲。余當用目窺之。乃自衣袋出小鏡。持而反照。幸簾有微縫。室中景狀。歷歷可自鏡中見之。視少頃。曰。噫。此何故耶。室中已杳無人跡。納爾法龍等。已自他道潛遁矣。吉楷脫驚訝不已。以爲確見二人入此室。且未見其從入處出。簾仍安然未動。燈亦明亮如故。惟人則不在。一若由地遁去者。吉沉吟少時。亟起立。潛掀簾入。窮究其潛避之法。詳視屋頂地板及隔鄰之牆。均無跡可尋。吉又行近屋背之牆。見牆有襯板。鑲直柱中。形若櫺旁襯板。

再視之。見一板下端距地約五尺許。有一處色較他處爲黯。若常有人以手按之者。吉姑推之。板稍動。且有彈簧聲。其一已驟闢。吉知爲暗室之門。并恍然於二人失蹤之故。是屋爲彼得福來所有。酒肆暗室。亦爲其所設。其行素無賴。官中人久疑其有窩藏盜賊情事。惟未能確知。吉得祕室門。急掩步入。仍閉壁板。探袋中電筒備用。伸耳靜聽。略聞語聲。甚模糊。然知非自外來者。後極目力細視。見有光一線。自遠處出。離祕室門約二十餘尺。吉思光必自門下出。然則言者必在室中。此必係夾弄矣。吉於黑暗中不敢輕用電筒。乃摸索而入。近室門。卽蹲身自鑰孔內窺室中。見其器具疏落。惟一面有窗透入微光。納爾法龍近窗坐。同行之男子緊依其側。目光耿耿。面色微頰。愛情流露。吉愈疑。自思觀是人容色。似已入納爾牢籠。被其愚弄。然又似已悟其奸。而有所要求者。何耶。俄聞二人語。吉乃恍然。男子面作怒色。曰。納爾。爾忘事前之約乎。今非依條約行。余決不能滿意。納爾法龍聞言。若不能耐者。然含有憐惜之情。問曰。誰勸君爲之。君當知余實未相邀。而余之意見。則前已言之矣。曰。然而……

。納爾止之。曰。君無庸用轉語。余豈失信者。君亦何必提舊事。君所應得者。必歸之於君。而余亦在其間矣。言訖。且擊其手。男子曰。然則女郎將於何時……納爾又止之。曰。俟各事大定。即可實行。余預計爲時必不久。二十四小時。當可畢事。想君意亦必以速爲妙。然乎。曰。然則先行此事乎。抑……曰。君胡太急。會議一次。事即可了。然今尙無暇。且無妥適之地。故須略待。君速措辦。勿灰心。十分鐘後。當再見。君若肯盡力。今晚即可定局。曰。納爾。此須視爾意若何。納爾拒之。曰。故人勿忘。余必不相欺。來接余吻。君速措辦。勿再延。曰。納爾知之否。余愛爾極矣。曰。知之久矣。毋多言。速行。若俟天黑。則君骨折矣。男子急起立。自案取帽。曰。余卽行。爾亦當速來。爾不與余俱。余卽覺徬徨無主。納爾亦起立。呼曰。三分鐘間。余卽至矣。吉聞二人將出。恐爲所見。急出電筒。光略照數武外。有樓梯。乃掩步至其處。平臥梯下。俄見門關。納爾仍自複道赴餐堂。男子則躡梯登樓。吉見二人分路行。自思再躡婦人後。恐爲所知。或遇他人殊不妥。躊躇片刻。決計隨男子行。吉聞男子奔至第三層樓。乃輕步隨之。見男子啓

一後室入。門隨閤。吉止步細聽。欲知男子何所事。且室中有他人否。以耳就門。竊聽久之。杳無聲息。門上鑰孔。以後有襯板。亦不能窺見室中。吉不得已。仍立而待。然終寂然。吉微怒。思若此何能有所得。計惟有推門進觀。僞爲誤入者。乃推門入。吉大詫。則又遁去矣。室約方十尺。中有小牀櫃各一。椅二。盥洗架一。吉徧視牀下櫃後及複室。迄無痕跡。蓋其人又如在酒座時由暗道潛遁矣。

### 第七節 吉楷脫陷賊巢

吉見賊復遁。百思不得其由。大憤。復力察其去路。惟後窗可以潛逃。乃啓窗而望。然距地高約數十尺。決不能一躍而下。窗外又平滑無插足處。復視鄰屋。有牆沿可以棲身。然相去約十二尺。無從攀及。吉詫甚。自語曰。奇哉。賊決由窗遁出。舍此豈有他道。然彼何以能躍下。若余則無能爲。真怪事矣。環顧再四。喜曰。得之矣。蓋兩屋之頂。有大木橫置其上。中有轆轤數具。有長繩繫之。兩屋之窗。均繫一繩。居民用以晒衣者。時鄰屋正對此室之窗。方半闕。二窗之上。適有轆轤。上繫二繩。均垂對面窗內。吉

乃恍然。知賊必懸繩渡至彼窗。如鞦韆然。再證以窗檻足印。益復無疑。吉揣賊必以手持繩。憑身之重量。搖而達於對面。有人候而援手。卽可以安然而下。無怪納爾法龍曾言三分鐘間。當往候之。且云須速行。天黑則骨折。其言必指此無疑。此蓋賊人備爲潛遁地者。待時至。余必白之警察而破其奸也。思竟立而遙望。對面窗簾已全下。殊無所見。亦不聞人聲。吉前後審度。決二人必在彼室中。而餘黨或亦蒞止。遂思入室一探。初欲重至街上。繞入彼屋。旋覺不妥。欲效賊後塵。懸繩以渡。則繩已在彼端。手不能及。且亦無援手者。吉惶急異常。計無所出。沉思久之。俄得一策。大喜曰。此間有天窗。通至屋頂。何不緣木而過。若彼屋上亦有天窗。則余能入室矣。乃急自衣袋出電筒四照。果得天窗之梯。亟登至屋頂。視木條有鐵環束之甚堅。不虞中斷。高雖四十餘尺。一失足。卽有性命之憂。吉亦不之顧。攀援而過。瞬息已達鄰室之頂。坐而少憩。自星光下四望。果見有同式之天窗。吉決意下行。以探虛實。偃身而進。引手拉窗。手到卽闢。吉大喜。然不知是時窗插拔去。賊正誘吉入阱也。吉啓窗下望。燭以

電筒。知爲夾道。然僅見其一隅。八跡。有梯倚牆側。吉胸間出手鎗。納外衣袋內。啓窗扇。反擱屋頂上。更以電筒下照。復以一足試踏其梯。知無虞。方掩步而下。距手甫離窗緣。而脚下之梯忽倒。吉急以手上攀。而窗緣相距少許。竟不能及。身遂墜樓板上。砰然一聲。吉骨亦幾折。及至地。卽聞室有猛喝聲。室門忽闢。燈光射入。四人躍前。露手鎗相向。二人捉吉臂。第三人以手鎗擬其首。厲聲曰。毋稍動。否則畢爾命。吉呼曰。當如囑。其人微笑。揮餘人縛吉。又提吉之衣領。極力撼之。少頃。縛竟。其人曰。可矣。置之後。當發落。吉至是。方知被擒之由。蓋梯之末端。有長繩繫之。吉以電筒下照時。不幸未之見。其時賊已在室中。握繩而待。知吉已在梯上。力抽其梯。梯倒而吉亦隕。吉見燈光所自出之室。中有三婦人。一爲納爾法龍。一中年者。身肥碩。其一則年約三十許。髮及兩目均黑色。吉均不之識。時共注視鄰室不已。納爾見吉。卽問曰。已獲之耶。勿爲彼所欺。撼吉者曰。否。否。吾輩凡四人。彼隻身。豈敢不降。吉環視各人。識其三。中二人。卽無惡不作之老賊司老根及勃來納。有假鬚者。則爲極克法龍。第四

人。卽納爾所同來者。觀其驚駭之色。知非此中積惡也。吉自思不幸。竟陷賊中。然賊等何以能知我來。正凝思間。已爲二人推入室中。卽對窗所望見者。二人擲吉於椅。法龍語之曰。靜坐勿動。余等當議處爾之法。吉漠然答曰。甚善。君等在此少敘耶。余幸得與此會。語時。若不介意者。極克法龍移一椅。面吉坐。曰。我等議定後。恐爾不能如是自在矣。吉楷脫君已入蜂巢。知之否。吉曰。君識我耶。甚佳。我以為尙須介紹也。法龍曰。嘻。君自信予智。亦太過矣。吉哂曰。君言或不謬。明言之。爾匪徒之智。殊出余意料之外。法龍曰。君欲言儘言。余能制爾命。爾慎之。吉憤答曰。爾何必恐嚇。余豈不知。曰。爾欲干涉我事。應得此報。曰。法龍干涉爾事及窮究匪跡。乃余職所應爲。法龍哂曰。爾有所知耶。曰。事已明顯。余焉不知。曰。然則爾知之矣。二人言至是。旁一人突趨前怒視。握拳欲毆吉。吉亦瞪目相向。略無畏懼意。其人曰。少年。誰告爾者。爾所知者何事。吉哂曰。柏克司老根。余識爾久矣。爾及爾老伴之所爲。余無所不知。勃來納。余知之。佳否。爾意云何。勃來納搖首。怒曰。爾知之。於爾大不利。曰。然耶。勃來納曰。爾

將以此喪其生。曰。或然。曰。凶人無謊語。爾知否。吉曰。勃來納。余當語爾一事。曰。何事。吉厲色曰。余死則已。否則爾亦不得自由。勿忘余言。余果有一隙之機可乘。爾等以昨夜事。共罹法網矣。法龍佯作不解狀。曰。昨夜何事。吉哂曰。梅頓街竊案耳。曰。爾以是案故來偵耶。曰。何必問。爾等決無幸。曰。爾何以知爲余等所爲。曰。余自知之而已。法龍蹙額冷笑。曰。爾固敏捷矣。然奈余等何。

### 第八節 尼楷脫之探案

尼楷脫自遣吉楷脫及巴遮行後。自忖循是二途。必可略得端倪。又忖尙有一途。亦不無希望。惟事稍難。兩夥智力恐不及。故留以自任。尼旣不信格珊脫之言。而於巴遮之報告。亦不滿意。擬往謁來弗頓夫人。一察其臥室。出門後。先往訪派來脫鄰居主人。以樓下賃屋者相詢。主人謂曩爲一罐頭公司所賃。移居已有五星期。移居之第二日。即有名瓊司者。來賃此室。謂以製肥皂爲業。且欲修繕。俟一月後再入居。足付賃金。外此皆無所知。尼聆其言。知瓊司之名。必僞托。而業肥皂云云。亦謊語也。料

此無所得。遂棄去。往訪來弗顛。巴遮返時。道其地址甚悉。故訪之甚易。約三時許。已及其門。尼審視之無誤。乃按門鈴。來弗顛聞聲出迎。相招入室。尼問格珊脫。則謂已至其工作處矣。尼細察彼婦。覺其誠實可信。乃曰。格珊脫方受傷。又懼驚恐。已能赴工作耶。來弗顛不禁笑曰。受驚恐耶。余殊未見其有此狀。曰。如常乎。曰。一如平日。無改常態。臨行時。飲咖啡三杯。且進膳。人果受大震驚者。尙能如是安然耶。尼曰。然則餓矣。曰。此當不謬。尼問曰。來弗顛夫人知其工作在何處否。曰。彼傭於賃船公司。已將一月矣。婦人又道其地址。與巴遮前所告無異。尼授以己之名刺。曰。余有數語。關於夫人屋中二客。欲以相詢。夫人若有所知。請直言無隱。夫人之言。必與余有益也。來弗顛見名刺。色頓恭。曰。余家宿客惟二人。昨夜一案。已失其一。君所問者。余若知之。必直告。請入室坐談。尼鞠躬隨之入。坐既定。曰。先問格珊脫事。彼居此已幾何時。曰。約六星期矣。曰。長在此不離耶。曰。有數夜以工作甚忙。故宿賃船公司中。曰。彼長賃此房耶。曰。然。曰。余聞彼與狄克寶先交甚暱。確乎。曰。然。甚相善也。曰。格珊脫未至

前。寶先曾道及其人否。曰。余未之聞。惟曾謂不日有友來。欲賃鄰室耳。曰。此何時事。曰。在格珊脫未來前一二日。尼笑曰。然乎。然則夫人於格珊脫未來之前。於其人殊無所知矣。曰。無所知。尼續曰。足矣。可談狄克寶先。其爲人若何。曰。寶先居此。已將三載。素和善無過失。曰。其賃資依時交付。無欠缺耶。曰。每星期六晚。必付值。曰。有嗜好否。曰。如常人。彼爲人守夜。故夜間所爲。則不之知。曰。睡起後外出時多。抑在家時多。曰。初時常居此不出。數星期內。則不然。尼細味此言。問曰。數星期前耶。夫人能確憶幾星期否。曰。約五六星期。尼色喜。曰。然則在格珊脫居此之後矣。曰。然。彼常外出耳。餘則不知。曰。夫人知其何往否。曰。否。彼從未相告。尼又問曰。夫人視其顏色舉止。略有異於前時否。來弗顛。微拉其胸前衣縐處。答曰。余覺其近日頗不自安。若有事繫諸懷者。曰。夫人之意。卽以爲其精神恍惚也。曰。然。然曰。夫人何由知之。曰。自其閒步知之。尼異曰。在何處閒步。曰。在其房內。上層卽是也。曰。夫人於何時聞之。曰。寶先於晨間方睡。亭午起身。卽如是。余聞其閒步房中。竟不停趾。有若磨坊之驢。且時雜搗

撞聲。曰。何以有搗撞聲耶。來弗顛聳肩笑曰。君窘余矣。余實不知之。尼仰視天花板。復顧來弗顛曰。寶先行時攜杖否。曰。從未攜杖。曰。然則彼足亦不跛。曰。然。尼又仰視曰。夫人可否登樓。至彼房中。來往數次。足步稍重。然勿頓足。余試聆其聲。來弗顛起立曰。諾。余遵命行。尼坐而待之。眼露光芒。神色甚喜。以此來竟得朕兆。循緒以尋。必有所獲也。靜聽有頃。俄樓上足音起。然甚微。遂起立登樓。適遇婦人自寶先房出。尼笑曰。余未得夫人允許。竟自登樓。請恕鹵莽。曰。君毋太謙。此何傷。尼曰。余聞足音不甚清晰。夫人許余一察其房否。夫人確知搗撞聲。非格珊脫之杖所致耶。來弗顛急應曰。否。否。格珊脫午後決不居此。且其臥室更在上層。余每日均聞其自登梯入臥。不能有誤也。尼頷之曰。誠然。俄又問曰。格珊脫有兩杖耶。曰。然。以防其一之或有損也。尼笑曰。不出余所料矣。若得夫人允許。余當略察寶先所賃之室。決不動其一物。來弗顛首肯。且引身讓尼楷脫入。尼一一研究。亦不避婦人之目。徧視衣櫥。渺無所得。轉至櫃前。行方近。覺日光照櫃色有異。尼自衣袋出顯微鏡細視。又以指力擦櫃。

板。則指上微染顏色。略如人膚色。尼思曰。此化粧所用之顏料也。必有人在此化粧。故置顏料於櫃上。致頂板亦染此色。竇先太不慎。竟留如許破綻耶。尼再審視。又於櫃頂抽屜內。得柯柯乳油一塊。破布一方。上染各種顏色。驗視則均化粧所用者。喃喃自語曰。此亦化粧品也。卽此足矣。多亦無謂。還顧來弗顛曰。此室已勘畢。惟尙欲一視格珊脫之臥室。夫人適言卽在此房上層耶。若門未加鎖。則余當自往。不敢再煩夫人。來弗顛曰。君可獨去。余體胖升降殊不便。當待君於此。尼亟上樓。四級一步。顧婦人曰。余決不久留。尼至樓上。見房門大闢。其景狀適如巴遮所報告者。牆角有破篋一。其上滿貼旅行時之紙招。尼一一審視。均英國轉運公司所用。惟其一爲美國者。尼尋思曰。粗視殊無痕跡。然此亦不足信。雖尋常竊賊。亦必知以此策溷人耳目。余所料若誤則已。否則指使竇先行竊者。必非尋常之輩也。方尋思間。忽牆角有一物觸於眼簾。取視之。一杖也。色猶新。尼忖曰。彼云跛已數載。何以此杖竟未嘗用。而色澤猶新耶。視訖。仍還置牆角。轉身至杯架前。自牆上衣架。取視其褂。右腋下與

杖相觸處笑曰。余所料果不謬。敝如此褂。其腋下與杖摩擦處。必將穿矣。今痕跡甚淺。可知其用杖必無幾時。得此於余事甚有益。竇先爾又留破綻於此矣。尼閱竟。仍以褂還掛架上。卽返身出。至梯次。遇來弗顛。問曰。君有所得乎。尼笑應曰。所見殊尋常。未有要領。近日格珊脫於何時歸。曰。約晚間九時。有時略早。曰。余料早歸之日必甚稀。曰。然。尼聞言。卽與來弗顛下樓。至門。尼語之曰。敬謝夫人厚意。余不敢多擾夫人也。曰。此何礙。曰。余尙有一言告夫人。曰。先生何事。曰。余今日之事。請勿告格珊脫。彼若知之。或怒余也。來弗顛笑曰。余非癡者。豈肯告之。尼亦笑曰。甚善。言訖。作別出門。急行而前。色甚喜。頗以此行已得端倪爲幸。途中自忖曰。跛足必僞爲者。竇先與格珊脫。則一而二。二而一者也。竇先習爲假跛。非易事。故室中另備一杖。以資練習之用。來弗顛所聞。以爲搗撞者。必練習用杖時所發之聲也。竇先能於數日之間。純熟無間。殊屬敏捷。然此外必有他人爲助。否則若竇先者。何能如是週密。且亦兼顧不及。觀其人之設施。狡猾無匹。必爲著名人物無疑。豈卽極克法龍耶。余必有以破

此疑團。今當往船廠。晤格珊脫。道破其奸。而以桎梏加於其身矣。

第九節 狄克寶先之交涉

方極克法龍離吉楷脫而赴鄰室時。憤怒異常。其黨亦然。惟飾鬚者則異。面有驚駭態。且含怒容。時吉楷脫手足均被縛。橫臥地上。殊不以一身危險爲慮。惟欲竊聽鄰室之語。故見門閤。卽滾至牆次。忽見牆角離地約六寸許。有微光自鄰室透入。吉蜿蜒至其處。方知牆土於移動器具時。撞落少許。遂成一隙。吉忖曰。余或可由此窺見一隅。乃斜臥細視。又靜聽。喜曰。雖不能全見。然聲則能聞矣。初無聲響。俄聞極克法龍昂然發語。又聞坐椅上聲。知法龍必係黨首。否則餘人不能如是懾服也。其言曰。余儕事須卽了結。現勢已危急。事成已過半。放棄豈不可惜。君等知之否。納爾應曰。極克爾言甚確。何可再延。柏克司老根呼曰。遲則受刑耳。余忍耐已久。今不能再耐矣。納爾曰。柏克。余非怪君。柏克怒曰。偵探來此。余等被獲則已。否則余必寸磔之。勃來納亦曰。余意亦然。法龍怒曰。毋多言。待余發落可矣。余當宣布所設之策。且立能

實行者。狄克竇先聽之。爾當遵余計行。吉楷脫隔牆聞言。詫而自忖曰。竇先。竇先。天乎。吾儕所欲追尋者。乃匿此耶。吉是時乃知飾假鬚者必竇先。此案真相已如撥雲霧而見天日。默揣尼楷脫所疑者。亦一一可破矣。旋聞竇先昂然答曰。法龍君。無論君意若何。必依予一事。方能了此案。言時。餘三人均凶獍相向。竇先亦不懼曰。竇先。允爾一事耶。曰。然。一事而已。法龍曰。爾言何指。竇先色愈堅。答曰。此事君豈不知。君等誘我犯此案。而法龍勸駕尤力。君豈忘之。余所欲者。除余應有一股外。惟……之愛情而已。納爾法龍呼曰。竇先。此事諸君均已知之。君何必於此時亟亟自陳耶。竇先不少動。曰。余今方有機會耳。極克法龍曰。然則速言。曰。極克。君必已知余愛君姊之深。自君姊時時過派來脫公事室。與相往還時。余卽愛之矣。曰。此事余已知之。竇先續曰。余自此漸不能自持。余於君姊。雖擲性命名譽而獲之。亦所不惜。君姊知之。君等亦知之。而君乃以此誘余入局。曰。雖然。亦爾所自願耳。竇先答曰。否。余心殊不願。然以君姊之許諾。加以君等之籠絡。致余心動。余自知此舉甚愚。然事已如此。又

將奈何。當君等誘余犯此案時。君姊允嫁余。故余昧然相從。實爲至愚。今悔無及矣。猶幸事已得手。所欲得之物亦已得之。言至此。司老根咆哮止之。曰。爾以爲爾已得之耶。余等尙未見一星之寶。吉聞言欣然。自思吾輩運甚佳。寶物尙可復得。又聞寶先昂然答曰。然。余已得之。余誤與爾等爲伍。已甚愚。若再受欺。則更愚矣。當時豈未約明。俟納爾嫁余後。方以物交付乎。柏克曰。其物爲君所藏耶。寶先急應曰。然。無論君等若何恐嚇。余必俟與納爾成婚。方出之。否則寧願皆無所得也。柏克大怒。曰。爾狗速出之。否則余等將……司老根言至是。舉拳作欲毆狀。法龍急止之。曰。柏克勿如是。俟余與言。余將示以現勢之危急。彼或肯從余說。柏克怒呼。曰。速與言。余等守候久矣。今願得余之一股耳。法龍慰之。曰。司老根勿急急。今夜必得之。又謂寶先曰。請聽余說。寶先蹙額曰。諾。余當敬聽。法龍曰。君知余等所處之險境。殊出意外乎。曰。余已知之。曰。所懼者尼楷脫已承辦此事。尤可慮者。余等所設之疑陣。必有數處爲彼所破者。曰。君意如是耶。曰。然。否則吉楷脫何以至此暗偵。幸爲余見而躡其後。方

能擒獲。今彼已入掌握中。而余等亦祇有一策。曰。君有何策。曰。速畢是人之命。使無從破余等之計。否則余等將爲所乘。吉楷脫聞言。自思此策果佳。極克法龍續曰。再則寶物須立時攜至此。均分之。吾輩四散潛遁。則偵探無從爲力矣。寶先曰。必須如是耶。曰。祇此策耳。且不能少延。若再留滯於此。則必盡入尼楷脫之羅網矣。此事務於今晚了結。寶先汝知之否。寶先毅然搖首曰。踐約則可了結。否則不能。法龍問曰。寶物可以立時取至否。曰。然。曰。所藏之處。能毋爲他人發現乎。寶先急應曰。余豈敢疏忽。儲藏處極祕密。必無虞。曰。君若往取。約需幾何時。曰。瞬息間耳。然非允余事。余必不能攜之以來。曰。君試言何事。曰。余此去當與牧師偕來。俟納爾與余成婚。方將寶物交君等。曰。爾策如是耶。曰。然。曰。舍此無他道耶。曰。然。此無可轉圜者。非如約而行。則君等必不能獲此寶物。法龍還顧其姊。問曰。納爾。爾意若何。納爾面色灰敗。唇顫動不已。蓋初欲誘寶先入局。故僞允妻之。其實非真心欲嫁之也。今見事須實行。乃惶急萬狀。俄見法龍以目示意。納爾知中必有計。乃答曰。聽汝意爲之可耳。汝自

始設策。今當如何。亦惟汝所命。曰。汝能從寶先之言否。曰。嫁彼耶。曰。然。曰。亦惟汝之所命。法龍又還顧。見寶先色頗豫。乃問曰。寶先卽此已足乎。寶先急應曰。足矣。納爾肯爲余婦。余尙何所不願。曰。君能今夜攜寶物至此否。曰。二小時內。余必取之來。曰。君將偕牧師同來耶。寶先更欣然答曰。然。先使牧師證婚。然後分派各人之所應得者。君等依約而行。余豈敢有間言。法龍聞言。舉手示贊成。然雙目咸露凶獍之色。呼曰。然則事可定矣。寶先速往措辦。勿遲延。君速以寶物及牧師來。余等當相待於此。以觀君及余姊之婚禮。佳哉事竟告成。余等亦可從此潛向安樂處去矣。寶先亟躍起。預備一切。

第十節 巴遮之跡賊

吉楷脫隔鄰聞黨人語。默忖曰。天平。吾事敗矣。賊人若果依策而行。分贓四遁。余等將從何跡之。今須設法速阻之方可。俟賊人行後。余必以法脫此縛。乃翻身就隙窺視。僅能見室之一隅。然適可見寶先之舉動。時寶先方立櫃前改粧。摘去假鬚。衣飾

亦易去。觀其喬妝之速。直出意外。未及五分鐘。已完全變爲托乃格珊脫。面際傷痕宛在。棕髮微鬚。與案發時縛坐門首之人。無一不肖。飾竟趨衣架側。易衫褲。又自牆角取杖支腋下。微曲其腿。使足離地。轉瞬間一跛人矣。吉且駭且思。曰。渠之喬妝術。竟若是精巧耶。天乎。寶先及格珊脫。竟爲一人所化。計亦狡矣。法龍立其旁而視。笑曰。寶先。爾喬妝之靈妙敏捷。竟與余無異矣。寶先答曰。熟極生巧耳。余未行之前。君尙有所言否。曰。惟一言相警。曰。何事。曰。謹慎小心耳。曰。余知之審。不必多囑。曰。二小時內。卽返此耶。曰。或尙不需此。曰。然則速去。余等當相待於此。寶先返視納爾法龍。眼含悔恨之色。然一瞥卽逝。急蹣跚而出。循梯下樓去。納爾急顧其弟。怒曰。爾謂余願嫁此狗乎。胡教余允之。極克方隨寶先至門。竢其出。立扃戶而返。聞姊言。答曰。勿聲。爾何必嫁彼。余將送之度蜜月於極樂世界。納爾雖知其意懷不善。然究不知其何指。色頓沮。注視極克。喘息曰。君意究何若。極克哂曰。今夜此間。烏可有牧師之跡。卽寶先。余亦將使其從此不返。然寶物則決可得。余往取之可矣。曰。極克。然則……。

極克曰。蠢才。毋多言。預人事。今夜竇先及鄰室之囚。決無再生人世之理。余往躡竇先後。俟得知其藏寶物處。卽下手畢其命。言旣。又怒詈不置。室中人均悚然無聲。極克法龍。急披長衣。又自抽屨取刺刀。置衣袋中。趨出。追竇先及門。返顧司老根。囑曰。留意鄰囚。勿令遁去。俟余返。余必攜寶物來。語畢。狂奔下樓。出門。迅於飛鳥。時竇先去尙未遠。極克一至街心。卽見其蹣跚而行。乃暗躡其後。時已七時許。星斗滿天。寒風颯颯撲面。尤足鼓人勇氣。竇先行未數步。一少年見之。卽自牆角躍出。隱身一人家戶後。觀其去向。其人則巴遮加文也。尼楷脫遣之出探。極半日之力。已偵得勃來納之妻及其繼女馬其台金。果在此。且知其居處卽在彼得福來屋中。而吉楷脫受縛時。所見之三婦人。其二卽巴遮所踪跡者也。彼得福來爲著名窩家。其居卽爲盜窟。故窗間均設暗遁之路。以備事敗潛遁。極克等卽就其地爲會議處。且爲竇先改妝之所。掩蓋一切。意謂纖屑無痕矣。巴遮旣探得實情。卽趨此偵二婦人。方及門。見一跛者自內出。乃退避。自思此人頗似托乃格珊脫。何以亦從此中出耶。然則彼亦

黨人之一。於此案有關矣。彼敢以謊言相欺。余當先察其所爲。歸再偵屋內事。意既定。巴遮卽拉帽覆額。使人不能辨其貌。自隱處出。探首前望。其人似向海濱行。亟躡其後。方至街尾。忽見前有披大衣者。行路狀甚詭祕。時依牆行。時隱身遠望。巴遮疑之。兼爲注意。數武後。覺是人亦係躡彼跛者。初意以爲同伴。非尼卽吉。然細視殊非是。心殊不解。俄其人行經一店窗外。藉店中燈光射出。巴遮藉以辨晰其貌。恍然大悟。曰。此極克法龍也。余此行運極佳。然彼何以又暗躡格珊脫耶。思至此。愈惑不解。益自留意。勿使極克知其所爲。前行有頃。巴遮思此二人。與本案均有關係。余當併偵之。然觀法龍之神情。又似將有不利於格珊脫者。格行似向其工作處去。余當靜待之。偵二人至彼將何爲。未幾。抵海濱一屋。牆上有石柱。翹然突出。置板其上。形若一棚。下卽船步。格珊脫工作處也。凡自街至船步者。須經此棚下狹道及一棚門。方能抵繫艇之處。船步一端。有板屋一間。置槳及雜物。門首懸油燈一盞。光甚微。僅約略照見船步下所繫輕艇。常人自燈光大明處至此。卽覺黑暗難行。然寶先直行而

前。略不措意。若甚熟其途徑者。寶先至時。其主人身甚肥碩者。方立而待。見寶先返。趨與談。約略數語。卽匆匆去。時法龍已踞地膝行。隱身側門二十餘尺外。以刺刀置右手衣袋中。坐而伺寶先所爲。巴遮於遠處望之。頗清晰。自思再前行。必爲法龍所知。而駐此則又不能見寶先之所事。略一停頓。乃繞至船步彼端。距離三丈許。蹲身黑暗中。見寶先獨立船步。約五分鐘。不動。亦不前進。惟注視狹道及柵門。乘寂然無人之際。急棄杖。趨至板屋前。滅油燈。四圍幾黑如漆。幸有星光。故巴遮尙能見之。寶先一躍至船步邊。靈活若無足疾者。踞於板上。脫外褂。顫然捲襯衣之袖。巴遮方注視之。俄見法龍又前行。掩入側門。再坐而伺。寶先則踞板上。僵身伸手。入水中。摸索船步下之橫木。又返身四顧。引一繩出水面。繩猶未盡。忽止。作細聽狀。聞有足音。蹙然。自遠而至。乃亟擲繩於水。起立。仍取杖支腋下。法龍則伏地隱身。握刺刀而待。俄有足音入自側門。尼楷脫之身形。已現於船步上。巴遮細視。曰。噫。此吾首領也。


# 第十一節 竊賊之自盡

尼楷脫自別來弗顯。卽至船步。訪格珊脫。至其處。遇主人。謂格珊脫於午後告假。晚方歸。尼詢知之。卽去。至是復來。乃適相遇。然以心注格珊脫。故於躡格者均未之見。尼在外略待。見船廠主人去。乃前行面跛足人。格珊脫以來人殊出意外。愕然而視。及行近其前。識爲晨間之偵探。失色大驚。後見尼和言悅色。略無嚴厲狀。乃稍慰。尼語之曰。格珊脫晚安。余知爾必識余矣。寶先微顫其帽。囁嚅曰。然。君爲偵探尼楷脫也。尼曰。然。余有數事。關於竊案。欲與爾一談。曰。諾。極願相助。尼俯視板上水漬。問曰。格珊脫君。余至時。爾在此何爲。寶先唇漸顫動。亦俯視水漬。答曰。無要事。方繫一艇纜耳。尼見其窘狀。笑曰。然耶。格珊脫君。余有一言相詢。務望見答。曰。諾。余必答。尼厲色曰。速直言。彼物已作何處置。曰。何物耶。曰。被竊之寶石耳。曰。先生。余豈不已……尼止之曰。格珊脫。毋作遁辭。此時無爾作誑言之地。余必自爾口得實情。余已知爾爲賊黨之一。亦卽狄克寶先之化身也。言旣。驟引手攫其假鬚。鬚隨手落。寶先大驚而呼。巴遮遠立一一可見。忽見法龍自隱處偃身前行。至尼身後。約丈餘。手握刺刀。

豁然有光。掩步而前。近尼身。舉刀作勢欲刺。巴遮大驚。知呼應已不及。亟出手鎗。擬法龍。轟然一聲。彈幸中的。惟見法龍舉手狂叫而仆。作墮水聲而已。尼聞聲返顧。巴遮卽趨前道其事。時寶先所拄之杖。已倒於側。呆立若木鷄。見事敗垂成。身決無幸。轉瞬亦投水而死。尼見寶先自盡。呼曰。天乎。彼偶起邪念。竟入迷途。今得如是。猶其幸也。巴遮與尼楷脫立談數語。案乃大明。尼曰。是時一鎗。爲功甚大。余意寶先必藏寶物於此。汝試捲袖探適所見之繩。巴遮如言探繩。引起至竟。繫一帆布袋。尼急取啓視。中有布裹數事。尼略捻已知爲何物。欣然曰。盡在是矣。惟二賊竟逃法網。今旣死。亦可不論。巴遮視水中。答曰。首領二人。其同黨歟。尼曰。此無可疑。余等亟宜獲其餘黨。余料必尙在寶先來處。爾可持此袋。寶先之杖及其遺物。余尙欲假用之以誘餘賊也。言旣。一一拾起。

半時後。尼楷脫及巴遮已至寶先所自來之屋。按門鈴。賊黨中一婦人出迎。見階上立二人。其一扶杖。棕鬚舊褂。帽低至額際。巴遮亦喬妝立其旁。以袋藏腋下。婦人問

曰。來者寶先耶。是人其牧師乎。尼啞聲漫應曰。然。然。然。則請亟入。彼等坐待久矣。婦人言既。引二人登樓。尼蹣跚隨之。微語曰。余之來。彼等必歡迎也。室中納爾法龍司老根等。聞杖聲搗地。咸駭異不已。納爾不禁呼曰。寶先竟歸矣。極克其失手耶。語未竟。尼及巴遮已至室前。巴卽擲所攜者於地。出手鎗二握手中。尼推門入。聞納爾言。應曰。爾等均失手矣。速舉手降。否則中彈。爾等以余爲寶先耶。誤矣。余乃踪跡爾等之偵探尼楷脫也。言訖。去杖並摘假鬚。出手鎗。司老根勃來納。聞言怒吼。納爾亦驚呼。見三鎗直指。無敢動者。尼及巴遮亟前。一一縛之。旋知吉楷脫被囚鄰室。趨往解救。以羣賊付警署。事畢。啓帆布袋檢視。果不出尼所料。寶石無一失者。審訊後。乃知極克法龍。實爲此案主使者。而喬妝跛足人。以補寶先之不及者。亦卽彼也。其布置之周密。實非常人所能料及。然究不能敵尼楷脫及其夥伴之靈敏。於二十四小時內破案。而賊人亦全數被獲。事後。警署使人至船步下。撈得寶先之屍。而極克法龍。則長沉海底。血肉不復出世矣。



# 商務印書館發行

歷史  
小說

曾宗龍譯

## 希臘興亡記

定價  
二角

是書敘古代希臘國中各小邦興滅存亡及互相吞併爭戰事自紀元前二千年起至紀元時希臘為羅馬所滅亡其間或徵諸史傳或採諸詩謠或見諸詩人詠歎者皆確有攷據當作希臘古史讀不當僅作小說觀也

中華民國四年三月二日印刷  
中華民國四年三月初版發行  
中華民國四年十月十八日再版發行

(假跛人一冊)  
(每冊定價大洋壹角伍分)

著作人

杭縣汪德禕

發行人

上海棋盤街中市模

印刷人

上海北河南路北首寶山路鮑咸昌

印刷所

上海北河南路北首寶山路商務印書館

總發行所

上海棋盤街中市商務印書館

分售處

北京天津保定奉天龍江吉林長春西安太原濟南開封成都重慶漢口商務印書分館

長沙安慶蕪湖南京南昌杭州蘭溪福州廣州潮州桂林雲南澳門香港

此書有著作權翻印必究

# 常識談話

孫 毓 修 編

科學之需要、人皆知之、吾人於此種常識獨爲缺乏、編者特創此體、爲科學普及之基礎、特色列下、

千里眼

小世界

縮地奇方

飛行使者

空中戰

每種一冊

每冊八分

(一) 取眼前之物、說明其理由、淺入深、人人能解、

(一) 用故事體、貫串聯絡、趣味深長、閱過之後、永不能忘、

(一) 全用白話、無不達之意、附列圖畫、表難顯之情、

(一) 處處揣合兒童之心理、無過高不及之弊、

今已出以上五種、其餘陸續刊行、有志家庭教育者、當無不先睹爲快也、兒童教育社會教育者、